

Қазақстан Республикасы мен Ресей Федерациясы арасындағы Ресей Федерациясы Қорғаныс министрлігінің (объектілері мен ұрыс алаңдары Қазақстан Республикасы аумағында орналасқан) 4 Мемлекеттік орталық полигонын пайдалану тәртібі туралы 1995 жылғы 20 қаңтардағы келісімге өзгерістер мен толықтырулар енгізу туралы хаттама жасасу туралы

Қазақстан Республикасы Президентінің 2005 жылғы 28 шілдедегі N 1623 Жарлығы
ҚАУЛЫ ЕТЕМІН:

1. Қоса беріліп отырған 1995 жылғы 20 қаңтардағы Қазақстан Республикасы мен Ресей Федерациясы арасындағы Ресей Федерациясы Қорғаныс министрлігінің (объектілері мен ұрыс алаңдары Қазақстан Республикасы аумағында орналасқан) 4 Мемлекеттік орталық полигонын пайдалану тәртібі туралы келісімге өзгерістер мен толықтырулар енгізу туралы хаттама мақұлданды.

2. Қазақстан Республикасының Қаржы министрі Наталья Артемовна Коржова Қазақстан Республикасы атынан Қазақстан Республикасы мен Ресей Федерациясы арасындағы 1995 жылғы 20 қаңтардағы Ресей Федерациясы Қорғаныс министрлігінің (объектілері мен ұрыс алаңдары Қазақстан Республикасы аумағында орналасқан) 4 Мемлекеттік орталық полигонын пайдалану тәртібі туралы келісімге қағидатты сипаты жоқ өзгерістер мен толықтырулар енгізуге рұқсат бере отырып, оған өзгерістер мен толықтырулар енгізу туралы хаттама жасасуға өкілеттік берілсін.

Ескерту. 2-тармаққа өзгерту енгізілді - ҚР Президентінің 2006.04.03. N 84 жарлығымен.

3. Осы Жарлық қол қойылған күнінен бастап қолданысқа енгізіледі.

Қазақстан Республикасының

Президенті

ЖОБА

Қазақстан Республикасы

Президентінің

2005 жылғы 28 шілдедегі

N 623 Жарлығымен

МАҚҰЛДАНҒАН

Қазақстан Республикасы мен Ресей Федерациясы арасындағы Ресей Федерациясы Қорғаныс министрлігінің (объектілері мен ұрыс алаңдары Қазақстан Республикасы аумағында орналасқан) 4 Мемлекеттік орталық полигонын пайдалану

тәртібі туралы 1995 жылғы 20 қаңтардағы келісімге өзгерістер мен толықтырулар енгізу туралы ХАТТАМА

Бұдан әрі Тараптар деп аталатын Қазақстан Республикасы мен Ресей Федерациясы, Қазақстан Республикасы мен Ресей Федерациясы арасындағы Ресей Федерациясы Қорғаныс министрлігінің (объектілері мен ұрыс алаңдары Қазақстан Республикасы аумағында орналасқан) 4 Мемлекеттік орталық полигонын пайдалану тәртібі туралы 1995 жылғы 20 қаңтардағы келісімге (бұдан әрі - Келісім) мынадай өзгерістер мен толықтырулар енгізуге келісті:

1. Келісім атауындағы, кіріспенің үшінші абзацындағы және 1-баптың бірінші абзацындағы "4 Мемлекеттік орталық полигонын" деген сөздер "4 Мемлекеттік орталық тұраралық полигонын" деген сөздермен ауыстырылсын.

2. Кіріспенің екінші абзацындағы "Келісімнің" деген сөзден кейін ", Ресей Федерациясы мен Қазақстан Республикасы арасындағы 1994 жылғы 28 наурыздағы әскери-техникалық ынтымақтастық туралы келісімнің" деген сөздермен толықтырылсын.

3. 1-бап мынадай мазмұндағы үшінші абзацпен толықтырылсын:
"Полигонды Полигонның бастығы басқарады. Полигонның бастығына Сарышаған полигонында орналасқан 10-сынақ полигонының және Ембі полигонында орналасқан 5580 сынақ жұмыстарын қамтамасыз ету базасының командасы бағынады."

4. 3-бап мынадай редакцияда жазылсын:
"1. Қазақстан Республикасы жер учаскелерін жалға беру шарттарымен Полигонның онда орналасқан объектілерімен, жылжымалы және жылжымайтын мүлкімен бірге Ресей Федерациясының уақытша пайдалануына береді.

2. Ресей Федерациясының 4 Мемлекеттік орталық полигонының объектілері мен ұрыс алаңдарын жалдау туралы 1996 жылғы 18 қазандағы шартқа сәйкес Ресей Федерациясының мүддесінде оларды жалға алу кезеңінде Полигонның жер учаскелерін пайдаланғаны үшін Ресей Федерациясы ақы төлеуді жүзеге асырады."

5. 4-баптағы "субарендаға" деген сөздің алдынан "Тараптардың немесе үшінші елдердің заңды және жеке тұлғаларына" деген сөздермен толықтырылсын.

6 . 7 - б а п т а ғ ы :

1-тармақтағы екінші сөйлемде "Тараптардың жеке келісімімен" деген сөздер "Қазақстан Республикасы мен Ресей Федерациясы арасындағы Қазақстан Республикасының аумағында уақытша орналасқан Ресей Федерациясының әскери құрамаларының мәртебесі туралы 1995 жылғы 20 қаңтардағы келісіммен және Тараптардың басқа да келісімдермен" деген сөздермен ауыстырылсын.

2-тармақ мынадай мазмұндағы сөйлеммен толықтырылсын:
"Полигон бастығын Ресей Федерациясының Президенті Қазақстан

Республикасының Қорғаныс министрімен келісілген, Ресей федерациясы Қорғаныс министрінің ұсынуы бойынша Қазақстан Республикасының Президентінің келісімімен тағайындауды жүзеге асырады."

7 . 9 - б а п т а ғ ы :

1-тармақтың екінші абзацындағы "қалпына келтіруді және" деген сөздер алып тасталсын;

1-тармақтың оныншы абзацында "нысаналар" деген сөздің алдынан "Тараптардың келісімі бойынша айқындалған тәртіппен қажет болған кезде" деген сөздермен толықтырылсын;

мынадай мазмұндағы 6-тармақпен толықтырылсын:

"6. Осы Келісімнің 8-бабында көзделген ғылыми-зерттеу және сынақ жұмыстарының жылдық жоспарлары негізінде Ресей Федерациясының Қорғаныс министрлігі 929 Мемлекеттік ұшу-сынақ орталығының мүдделерінде сынақ жұмыстарын жүргізу кезінде Ресей Федерациясы Қорғаныс министрлігінің 4 Мемлекеттік орталық тұраралық полигонының жер учаскелері мен әуе кеңістігін пайдалануға жол беріледі."

8. 11-баптың екінші және үшінші абзацтары мынадай редакцияда жазылсын:

"Полигонның аумағында жер кадастрын және мониторингті жүргізуді, жердің мақсатты пайдаланылуын бақылауды Полигонның қолбасшылығымен келісілген тәртіппен және мерзімдерде Қазақстан Республикасының жер ресурстарын басқару жөніндегі уәкілетті мемлекеттік орган жүзеге асырады.

Ресей Тарапы Полигон аумағында геологиялық барлау және пайдалы қазбалар өндіруді жүргізбеуге міндеттенеді. Полигон аумағында аң аулау, балық ұстау және жабайы өсімдіктерді жинау Қазақстан Республикасының заңнамасына сәйкес жүзеге асырылады."

9. 13-бапта "міндетті әскери" деген сөздер "шақыру бойынша" деген сөздермен ауыстырылсын.

10. Келісімге 1-қосымшада:

"орталық" деген сөзден кейін "тұраралық" деген сөз қосылсын;

"Орда" деген сөз "Бөкей ордасы" деген сөзбен ауыстырылсын.

11. Келісімге 2-қосымшада:

"Орталық" деген сөзден кейін "тұраралық" деген сөз қосылсын;

қосымшаның мәтіні осы Хаттамаға қосымшаға сәйкес редакцияда жазылсын.

Осы Хаттаманың ережелерін түсіндіру және қолдану кезінде туындаған барлық даулар мен келіспеушіліктер Тараптар арасында өзара консультациялар мен келіссөздер жолымен шешілетін болады.

Тараптардың біреуінде бірлескен шешімді талап ететін мәселелер туындаған кезде осы Тарап екінші Тарапты келіссөздер басталғанға дейін 30 күннен кешіктірмей жазбаша түрде хабардар етеді.

Осы Хаттама Тараптар оның күшіне енуі үшін қажетті мемлекетішілік рәсімдерді орындағаны туралы соңғы жазбаша хабарлама алған күнінен бастап күшіне енеді.

Осы Хаттама Қазақстан Республикасы мен Ресей Федерациясы арасындағы Ресей Федерациясы Қорғаныс министрлігінің (объектілері мен ұрыс алаңдары Қазақстан Республикасы аумағында орналасқан) 4 Мемлекеттік орталық тұраралық полигонын пайдалану тәртібі туралы 1995 жылғы 20 қаңтардағы келісімнің ажырамас бөлігі болып табылады және өз қолданысын осы Келісіммен бір мезгілде тоқтатады.

_____ қаласында, 200__ жылғы, " __ " _____ әрқайсысы қазақ және орыс тілдерінде екі данада жасалды әрі екі мәтіннің күші бірдей.

ҚАЗАҚСТАН РЕСПУБЛИКАСЫ **РЕСЕЙ ФЕДЕРАЦИЯСЫ**
ҮШІН **ҮШІН**

Қазақстан Республикасы мен Ресей Федерациясы арасындағы Ресей Федерациясы Қорғаныс министрлігінің (объектілері мен ұрыс алаңдары Қазақстан Республикасы аумағында орналасқан) 4 Мемлекеттік орталық тұраралық полигонын пайдалану тәртібі туралы келісімге 1995 жылғы 20 қаңтардағы өзгерістер мен толықтырулар енгізу туралы хаттамаға

ҚОСЫМША

Қазақстан Республикасының аумағында орналасқан полигонның әскери объектілерінің

ТІЗБЕСІ

р / с N	Бөлімшелердің, объектілердің атауы	Орналасқан мекені
1.	20 жеке сынақ станциясы	Батыс Қазақстан облысы Жаңақала ауданы Жаңа Қазан ауылы
2.	30 жеке инженерлік-сынақ бөлімінің өлшеу пункттері: 8 - С Ж 16-СЖ	Батыс Қазақстан облысы Бөкей ордасы ауданы С айқы н ауылы Батыс Қазақстан облысы Бөкей ордасы ауданы Шоңай ауылы